



Châng Thlan: *Genesis 11:9.*

Chhiar Tûrte: *Gen. 9:18–11:9; Sãm 139:7–12; Luka 10:1.*

Then 1-na: Zirlâi Tlângpui Thlîrna

Tui lêt a kâm hnu-a Pathianin mihringte thu a pêk hmasak ber chu nunna nemnggeh a ni a: chi tam tak thlaha lo pung zêl tûr leh, lei hi luah khat vek tûrin a hrilh a nih kha (*Gen. 9:1*). Tûn kêr zirlâi hian mihringten he thupêk hlen chhuah an tum dân hi a thlûr bing dân a ni. Kan zir tawh chinah kha chuan mi mal chanchin an chhui deuh ber a (Evi leh Adama, Kaina leh Abela, Nova). Tûn kêr zirlâiah erawh hi chuan a huho chanchin zirin chu an chanchin chuan khawvêl pum a huap dân te kan en thung ang.

Tui lêt aţanga dam khaw chhuak, Nova fapa pathumte khân chi hlâwm lian tak tak pathum hringin, chûng mite chu khawvêla hnam hrang hrang awmte siamtu an lo ni ta a ni. Mihringte khân kawng dik zawhin lei hi an luah khat ta a, lei hmun tinah hian Pathian anpui nihna chu an keng kual ta niin a lang a. Mahse, Babel Insâng sak thu hian chutiang chu a lo ni awzâwng lo tih arawn tilang. Khawvêl pum luah khat vek tûra Pathianin thu a lo pêk tawh chu mihringte duh dân a inpumkhatna leh inantlânain a luahlân ta zâwk a. Hnam khat anga la awm khâwm tlat an duh mai pawh ni lovin, Pathian nih a tum ta hial bawk a ni.

Zirlâi Thupuite:

1. **Malsâwmnate leh Ânchhiate.** Hama fapa Kanana hi ânchhe dawng a ni a, chutih lâiin Sema leh Jafeta te erawh chu malsâwmin an awm thung. Hêng ânchhiate leh malsâwmnate hi eng nge a awmzia ni a, eng nge a pawimawhna ni? Eng tiangin nge chhandamna chanchinah hian nghawng an neih?
2. **Khawvêl Luah Khahna leh Inpumkhatna.** Khawvêl hnamte hian thil tih duh thuhmun an nei a, chu chu Pathian dodâl tûra inpumkhat a ni. Eng tin nge Pathianin khawvêl luah khat tûra min tihna hi inpumkhatnaa awm tlat tûra min tihna angah kan lo ngaih tlat le?
3. **Pathian Luahlan Tumna.** Babel Insâng satute hian vân han thlen an rilrûk a. A ngaihtuah dân hi eng nge a dik lohna awm? Enga ti nge an thil tih tum rawn en chang tûrin Pathian chu leiah hian a lo chhuk?

Then 2-na: Zir Zauna**Malsâwmnate leh Ânchhiate**

Hama fapa chungâ ânchhe lo thleng (*Gen. 9:25*) a tâwpah erawh thlamuanna thuchahah a lo chang ta hlauh a. Genesis 9:25 thu hi mi tam tak chuan Africa khawmualpuia chêngte leh an thlahte-ah hmeh belin sala chhawr hi Pathian pawhin a phal ni âwmin an sawi thîn a ni. Amaherawhchu, hetiang zâwnga lo hrilh fiah hi chu a dik loh chhan pahnih a awm a: A hmasa zâwk chu, he ânchhia hi Hama chungah ni lovin, a fapa Kanaan chungah lawh a ni zâwk.

He ânchhia hian Hama fapa upa ber Kusa a thlahte a huam ve lo va; chuwângin Africa rama chêngte leh an thlahte chu he ânchhe phurtu hi an ni lo tih a Chiang. Thil pakhat kan hriat tûr chu, Bible-a thlahtu chhuina (Genesis 10-a hnam hrang hrangte chanchin ziah hi en la) hi hnam hrang hrangte hnêna a awmna tûr theuh ram sem a nih thu a ni a, hnam hrang hrangte tobul leh an tawng lo chhuah dân chhuina a ni lo.

“Chî” tih ɣawngkam hi kum zabi sâwm leh pakwana hun lâi vêla chher chhuah niin, mihringte ɣobul chhuina rintlâk loh leh phuahchawp, evolution theory behchhana siam a ni a. Chuvângin, Bible-a kan hmuh, “Jafeta thlahte” tih te, “Sema thlahte” tih te leh “Hama thlahte” tih te hi chu chi a chî ang zâwna inthliarna ni lovin huam zau taka eng hnam hnam emaw huaptu ɣawngkam a ni zâwk. Kusa hi Hama thlah chu ni tho mah se, Babel khawpui dintu Nimroda pa a ni a. Chutiang bawkin Sema fapa Elama pawh hi Sema thlahte zînga chhiar tel a ni ve leh chuang lo bawk.

Genesis 9:25 thu hi African mite leh an thahte sawina a ni lo tih a chianna dang pakhat chu Kanaan tih leh Ram Tiam luah hi inzawm tlat a nih vâng a ni a, chu mai pawh chu ni lovin, Kanaan ram tih chu khawvêl chhandamna thutiam entîrna anga hman a ni leh zêl bawk. Chuti a nih chuan, “chhiahhlawhte chhiahhlawh” tih ɣawngkam pawh hi kan lo hriat thiam dân anga mi hnuaihningte sawina ni lovin, “chhiahhlawh ɣha chungchuang” tihna a nih zâwk hmêl ta a, khawvêl chhandam tûra lo kal chhiahhlawhte Chhiahhlawh Isua a kâwk a ni (*Joh. 13:5*).

Genesis 9-a kan hmuh malsâwmna thute hian chumi chu a nemnghet bawk. Thil ngaihnam deuh mai chu malsâwma awm hi Sema emaw, Jafeta emaw ni lovin, Pathian chauh a ni tih hi a ni a (*Gen. 9:26*). Tin, he hrilhlâwkna hian Genesis-a kan hmuh Israel-te chanchin mai bâkah, mihringte chhandamna pawh min thlîrpui bawk (*Gen. 9:27*).

Hê hrilh lâwkna thu inchheh dân hian Israel-te biak bûk kha a kâwk bawk a (*Josua 18:1*), chu chuan Gentail-ten Israel-te chhandamna thuchah puan hi an rawn âwih ang a, Israel mite zîngah an rawn tel ve dâwn tih a entîr (*Isa. 66:18–20; Rome 11:25*). Nimahsela, he hrilhlâwkna thlen famkimna hi chu hrilhlâwkna dang, Kanaan ram lâk a nih tûr thu a thlen famkim leh famkim lohah a innghat dâwn thung a ni.

Hê thilthleng hi Genesis lehkhabu ziaktu ngaihtuahna luah liantu ber niin, malsâwmna thu a chham chhuah tâwp lamah pawh a sawi lang leh a, chu chu a vawi thum sawi lanna niin, Kanaana

chu Sema chhiahhlawh angin a sawi (*Gen. 9:27; Gen. 9:25, 26*). Malsâwmna thu a chhamchhuahte hi hla thu anga sawi a ni hlawm a: “awm rawh se” (*Gen. 9:26, 27*). Hê thu ziaktu Mosia leh hetih hun lâi vêla Aigupta sala tân Israel mite kha Israel mite chhandamna tûrin an ãawngtâi a, chu chu mihringte chhandamna atâna rahbi zawh tûr hmasa ber a ni.

Huap Zawhna leh Tih Bîkna

Bible-ah hian mi tin huap zo thuchah leh tute emaw bîk tân chauha duan thuchah inzawm dân kan hmu tam hle mai. Hebrai zâwlneite hi chuan Grik mite ngaihtuah dân, thutak pumhlûm hriat nghâl theih nia ngaihna ang lo takin eng hnam emaw rawn thlangtu Pathian chanchin an sawi a, chumi hnu chuan mihringte hnêna rawn inpuanna hmanrua atân a Fapa a rawn thlang leh bawk.

Hê thlîrna number 70-ah kan hmu a: Genesis 10-a Nova thlahte chanchin sawinaah hian hnam sawmsarih târ lan niin, chûngte chu Aigupa rama lût Jakoba chhûngte zât 70 (*Gen. 46:27*) leh thlalêra thang mêk Israel hnam upa 70-te (*Exod. 24:9*) lo entîr lâwktu an ni. Hetianga nambar 70 a hmang uar viau mai hian “Israel thlahte zâta” mihringte ðentu Pathian chanchin sawina Deuteronomi 32:8 thu hi a dikzia min hrilh a. Juda-te sawi dân chuan hnam sawmsarihte an awm ang chia hian ãawng pawh chi hrang hrang sawmsarih a awm bawk. Thuthlung Thar lamah pawh chanchin ða hril darh tûra Isua zirtîr sawmsarihte a tîrh chhuah thu kan hmu a (*Luka 10:1–16*). Leia hnam hrang hrang awmte pa ber Nova thlahte chanchin chhuina hian Nova hnêna Pathian malsâwmna leh thutiam, “Chi tam tak thlahin lo pung rawh u” (*Gen. 8:17; Gen. 9:1, 7*) tih kha a lo thlen famkim tâk thu min hrilh a ni

Hnam zawng zawngte Pathian, khawvêl Siamtu chu Israel-te Lalpa tho hi a ni a. Hei hian thu pawim tak pahnih entîr a nei. A hmasa zâwk chu, Pathian chuan sakhua huang chhûng bâkah pawh hna a thawk tel tho tih hi a ni a. Pathian chu hnam dangte zîngah pawh a awm ve tho a ni. A pahnihna chu, hnam dangte chhandamna

chu Israel-te chanchinah a innghat tih hi a ni a. Hnam dangte malsâwmna tûr chu Israel-te kal tlangin a lo thleng ang (*Gen. 12:3*), a chhan pawh Israel-te Pathian chauh hi Pathian dik a nih vâng a ni. Hebrai Bible-a kan hmuh zirlâi, Israel hnam chanchin leh Juda-te chung a thil thleng hrang hrangte bâkah, Thuthlung Thar lama kan hmuh thil thleng hrang hrangte pawh hi hnam hrang hrangten chhandamna an chan theihna tûra pawimawhna nei vek an ni.

Inpumkhat Tumna leh Pathian Luahlan Tumna. Thil manganthlâk deuh mai chu, Babel Insâng satuten inpumkhatna thupui hmasa bera an nei tlat mai hi a ni. “Leia mi zawng zawng chu ãawng hmun khat leh thusawi dân hmun khat an ni vek a” (*Gen. 11:1*) tih thu hian Babel Insâng satute hian thu khat an vaw tâng a, an thil sawi duh zâwng pawh thuhmun a ni tih a kâwk. Amaherawhchu, Babel Insâng sak thu hian khawvêl pum pui tihpumkhat tumna hmasa ber chanchin chu min hrilh a. Chuti a nih chuan, danglamna leh ngaih dân hrang ngaihthei lotu khawtlâng nun dân phung an lo nei daih tawh a, Pathian hmun luahlan an lo tum daih tawh tihna a ni (*Dan. 3:1–7*).

Dik tak phei chuan, inan tân vek tuma hma lâkna leh Pathian dinhmun luahlan tumna hi thil kal dân tân ãhîn a ni a. Chanchin kal tawh kan thlîr lêl pawhin keimahni nun dân leh ngaihtuah dân anga mi dangte nun leh ngaihtuah dân neih luihtîr tumna chuan mi dang ngaihtheih lohna leh tihduhdah châkna a hring chhuak ãhîn tih kan hria ang. A tâwphkâwkah phei chuan Pathian dinhmun luah tumna hial pawh a hring chhuak ãhîn a ni.

Thil pawimawh tak kan hriat tûr chu, Babel Insâng satuten Pathian ãawngkam hman chiah chiahte an rawn hmang ve leh kher hi a ni. Pathian ãawngkam hman an rawn hman ve leh hmasa ber chu “Hawh u” (Hebrai ãawngin, *habah*) tih hi a ni a, ãum hnih ngawt an thil tih tum sawi hona bulãan nân hman a ni (*Gen. 11:3, 4*). Thawh ho tumna ãawngkam, Genesis 11:1–7-a vawi li zet hman nawn (“Ang u. . .”) hian mihringte siam an nih dâwna

Pathiana minung pathum awmte inrâwnin ƣawngkam an hman, “Siam ang u” (*Gen. 1:26*) kha min hriat chhuahtîr a, Pathian thiltihtheihna chuhpui an tum a ni tih a lantîr bawk. Chu bâkah chuan, Hebrai ƣawnga “insâng” tih an sawina thumal hi an thiltum tilangtu a ni nghâl bawk. He thumal hi “ropui” tih sawina thumal, *gadal* nêñ inkungkaih niin, chu chuan Pathian nêña inzawm tlat tum sâna leh ropuina a kâwk a ni (*Exod. 18:11*).

Thil ngaihnawm tak mai chu, kan Bible châng khel lâi nêña ƣawngkam leh sawi tum inang tak Daniela 8 thu pawh hian ki tê tak tê-in Pathian dinhmun luahlan tuma a intihropui vak thu sawina atân *gadal* tih tho a lo hmang ve hi a ni a (*Dan. 8:9–11, 25*). Dik tak phei chuan, he an insâng sak hi satliah mai ni lovin, vân tawng hial khawpa sâng ni se an duh a ni. A awmzia chu, Babel Insâng saktute hian Pathian luahlan an tum tihna a ni a, chutiang a nihzia chu “kan hming i tithang u” (*Gen. 11:4*) tih thu an sawi hian Chiang takin a tilang. Pathian chauh hi hming tiropui theitu a ni a (*Gen. 12:2*), tin, ama tâna hming tiropui thei awm chhun pawh a ni bawk (*Isa. 63:12, 14*).

Then 3: Nuna Bel Tûr

Âñchhiate Chu Malsâwmnaah An Chang Ta. Bible-ah hian ânchhia ni si, a tâwpa malsâwmna lo ni ta hlauh sawi tûr a awm nual a. Nangma nuna thil thlengah pawh thil ƣa lo i tawnte (entîr nân, Covid-19 hri kêi) khân Pathian nêña inpâwl dunna hun leh a hnêna kêr leh theihna remchâng ƣa tak a pe che em? Enga ti nge hrehawm tawrhna hian thil ngaihhlut tûr thar hmu chhuak thei tûrin min puih a, Pathian hnênah leh mi dangte hnênah mi a hruai hnaih ƣhin le?

Inpumkhatna leh Pathian Luahlan Tumna. Bible-ah leh chanchin kal tawhah te, in kohhran huang chhûngah leh nangma mimal thil tawnah pawh mi tute emawin Babel Insâng satute ang maia thil an tih ƣum sawi tûr i hria em? Enga ti nge thianghlim

taka nun tumna, inpumkhat duhna leh thu dik duh luatna te hian mi dangte ngaihtheih lohna leh mahni induh tâwkna rilru min neihtîr thin? Chutiang thil pawî tak chu kan tih ve loh nân eng tin nge Isua nun kha dârthlangah kan hman theih ang? Eng vângin nge mi dangte huatna leh mahni fel bîk riauva inhriatna min neihtîrtu felna ang chi hi chu filna tluantling a nih loh?

INSIDE STORY

UAE-A THILMAK THLENG

By *Gureni Lukwano*

PRADEEP LIYANAGE hian Isuâ chungchâng a ngaihtuah ngai lo va. A fapain United Arab Emirates-a Pathfinder Club a zawm chinah erawh a lo danglam ta. A fapa kum 13 mî chu Pathfinder Club inkhâwm aţanga Bible thawnthû an ngaihthlâk ngaihnawm tia hlim takin a lo hâwng a. Annî nûpain an fapa thahnemngaizia chu an hmuhin, a thawnthu sawi chu an ngaithlâ a; chuta ʔang chuan hriat belh zêl an châk a. Sharjah khuua Seventh-day Adventist kohhran enkawltu Muye Oyinloye hovin Bible zirna an nei tâng ta a ni.

Pradeep-a nupui leh fapate chuan an thinlung Isuâ hnêna hlânin, baptisma an chang a. Pradeep-a pawhin Adventist Kohhran zawm vê a duh a, mahse, mahnia bânsan theih loh chîn ʔa lo, meizûk chu a chîng tlat mai sî a ni.

Baptisma chan hun lai vêl chuan Middle East and North Africa Union Mission-a Gulf Field headquarter-ah chuan health ministries director thar a lo awm a. Kathu Coleman-in a office thar a han en fel chuan, a document atâna thil pawimawh tak, health ministries official stamp a nei lo tih a hre ta a. Health ministries director kal ta a han biak chuan, a hmâa a la hriat loh stamp leh department lehkha tam tham zet a awm thû chu a hre ta a ni. Chûng lehkha leh hmanraw zîngah chuan Adventist health program chi hrang hrang bâkah, Breathe Free leh meizûk bânsan dân tihte pawh a awm tel bawk a.

Chutiang lehkha leh hmanruâte an han chinfel tâkah chuan, Kathu chuan Mui hnên aţangin phone call a dawng a.

“Khawngaih takin Pradeep-a tân khân meizûk bânsan dân program i siamsak thei ang em?” tiin ngenna a siam a.

Kathy chuan chû pâ ţanpui nâna thil tûl tin rêng chu Pathianin a ngaihtuahsak dîm diâm tawh tih a hria a. Pastor rawn chah ang chu kalpui tûrin thil tûl chi hrang hrang chu hman mai theih a ni ta a ni. Kathy chuan Pradeep-a chu biân, chawlhkâr-kaw (9) chhûng program chu a neihpui a. Ani pawh chuan meizûk chu a bânsan a, program an hman zawh aţanga thla hnihah chuan meizûk châkna pawh a nei tawh lo.

March 13, 2021 khân hlim leh lâwm takin Sabbath nî chuan baptisma a chang vê ta a ni. “Tîsâ leh thlarau lam thilah LALPAN nasa takin malsâwmna min vûr a; ka lo hrisêl sawt bâkah, kan chhûngkua pawh kan hlim zâwk a, tha zâwkin hnâ pawh ka thawk thei ta bawh,” tiin a lâwmthûa sawi ta hial a ni.

Tûnah hian Pradeep-a chu kum 47-a upa niin, mî a tawh apiangte hnênah Isuâ chanchin hrilhin, amâ tawn ang nun hlimawm chu nei tûrin a sâwm zêl a. Meizûk a sim tâk dân chuangchâng a sawi ngaihlathu chhûngkaw thian pathum chuan an fâte chu Pathfinder Club an zawmtîr vê ta a ni.

“Isuan a hnungzuitûte chu Amâ tâna êng chhitu ni theuh tûrin min sâwm a. Mi dangten Isuâ hmangaihna an hriat theihna tûrin, nun thara nung tûrin min ko theuh a ni,” tiin Gulf Field president Marc Coleman chuan a sawi a.

Hê thawnthû hian kan kohhran Rawngbâwlna Thupui “I Will Go” strategic plan pahnihna: “Mi tlawh pawh lohte leh la tlawh pawh vak lohte zînga Adventist pawns lam rawngbâwlna tihchak leh hâk zauh zêl,” tih chu a phur chhuak dâwn a ni. Chhian belh tûr: IWillGo2020.org.